

तोला दुर्गा कहंव के मां काली

तोला दुर्गा कहंव के मां काली,
चारों धाम में तोरे है उजारी,
ओ माता रानी
का मैं चढ़ावं तोला, दर्शन दे माता मोर..

चंद्रपुर में चंद्रसेनी कहाये तैं,
रायगढ़ मा बूढ़ी माई हो,
घूघरा नरवा मा बइठे हस काली बन के,
हरदी के गौंठिन दाई वो..

सारंगढ़ मा तैं समलाई,
ढोलेसरा के तैं बंजारी,
ओ मां भवानी,
का मैं चढ़ावं तोला.. दर्शन दे माता मोर..

तोर लईका दाई, रोवत हों तोर बर..
तोर बर मैं उदास हों..
विनती ल सुन ले माता, सुन ले गुहार वो..
राख ले अंचरा के छांव वो..

तोर बिना ये मोर जिन्दगानी..
जइसे सावन होथे बिन पानी..
ओ माता रानी..
का मैं चढ़ावं तोला.. दर्शन दे माता मोर..

देखत हों चारो ओर, डहार नइ दिखे तोर..
कहां लुकागे महामाई तैं..
आंसू बरसगे दाई, चोला तरसगे वो..
कइसे पीर सुनाव मैं..

मोर नैना के प्यास बुझा दे..
तोर दर्शन बिना नइ बाचंव..
बचा ले दाई..
का मैं चढ़ावं तोला.. दर्शन दे माता मोर..

- संकलनकर्ता
अमित अग्रवाल 'मीत'
मो. 9340790112

[ujaari](#)

अपने Android मोबाइल पर [BhajanGanga](#) App डाउनलोड करें और भजनों का आनंद ले |